

**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Sectio XIII. An Decretum Concilii Tridentini circa Matrimonium  
Filiorum-familias ad Doctrinam pertineat, an ad Disciplinam?

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

modi Praefecta & ejus Vicaria . . . tacitis suffragiis coram Superiore, aut ejus Ministro elegantur, qui extra Monasterium ad Cancellos, sive Clabros, stet ex Decreto Concilii Tridentini. Evidem credibile est, verba hæc tacitis suffragiis, designare suffragia non publicata, sive scriptis emissâ seu vivâ vocis oraculo.

Post hanc Conciliationem obiter observamus, verbum hoc, temporalium, huic junctum, Abbatum, insinuare, mentem Concilii Tridentini non fuisse ut dispositio Decreti sui ad Abbates perpetuos extendetur.

Porrò, eos exceptit Concilium, fortè idèo, quod sint Pralati Episcopis conferendi, & veterem electio-nis Episcoporum formam servaverat.

### SECTIO XIII.

*An Decretum Concilii Tridentini circa Matrimoniū filiorum familiās ad Doctrinam pertineat, an ad Disciplinam?*

Magni, quoad Galliam, refert, ut discutatur solvaturque proposita quæstio. Nam, si Decretum de quo agitur pertineret ad Dogma, vix defendi posset mos Gallicus, quo Matrimonia Filiorum familiās Minorum, absque consensu eorum, in quorum sunt potestate, inita, irrita sunt, quippe, qui aduersaretur dogmatis fidei, in qua omnes Ecclesiæ consentire debent. E contra si Decretum ad meram Disciplinam referendum sit, mos Gallicanus absque negotio purgari potest; siquidem Ecclesiæ præcipiæ, quales sunt Nationales, licentiam habent sibi instituendi Disciplinam, quam Nationis moribus congruam arbitrantur.

Utilis proinde quæstionis hujus decisio, verum etiam necessaria, propter rationes, quæ ex utraque parte afferri possunt. Et quidem pertinere videatur ad Disciplinam hoc Decretum. 1. Quod situu sit inter Decreta Reformationis, quæ vulgo Disciplinam respiciunt. 2. Ex historia priorum XII. Sacrorum multa suppetunt probationes, quod nuptiæ Minorum, absque consensu Parentum aut Tutorum celebratae, pro infectis haberentur. Et collectæ fuerunt in *Ju-stificatione usum Gallie*, quoad hanc rem, & in Libro cuius titulus, *Doctrina Canonum in Corpore Juris inclu-sorum &c.* in quo plures nova probationes congetæ sunt. 3. Ex historia sacrorum sequentium, in quibus plures Ecclesia prohibuerunt solum ea Matrimonia, non verò ea rescidere. Factum hoc probatum fuit in duobus libris laudatis. 4. Ex historia rerum gestarum in Tridentino circa illa Matrimonia discimus, plurimis Patribus placuisse, ut ejusmodi matrimonia rescinderentur; cum autem inter eos non conyeniret de modo, ad quem restringenda erat Parentum & Tutorum potestas, cum ceteris consenserunt, ut illa rata manerent; aliundè Decretum, quatenus respicit Matrimonia Filiorum familiās, anathematice ferit non eos, qui hac Matrimonia vituperant, vel ea impediunt, vel illi intercedunt, sed eos, qui falso affirmant, Matrimonia à filiis familiās contracta irrita esse, ac parentes ea posse rata vel irrita facere, & sic anathema cadit in eos, qui spargunt doctrinam, quam nodus falsam esse declarat.

Quæ cùm ita sint, probata quæstionis utilitate nec non decisionis necessitate, aio, Decretum, de quo agitur, pertinere ad Dogma & ad Disciplinam; ad Dogma, quatenus damnat errorem eorum, qui asserebant Matrimonia à filiis familiās contracta absque consensu parentum, rata esse aut irrita, prout ipsi placuisse eorum rescisionem postulare, vel à suo jure abstinere, eosque habere ejusmodi jus non à lege humana, sed à lege naturali & divina in Decalogo contenta, ita, ut independenter à legibus ci-vilibus vel Ecclesiasticis, quæ Matrimonia rescindunt, vel rescindi propter querelam parentum volunt, pro-

miscuum parentibus esset, ea pro infectis & vetitis, aut pro legitimis habere.

Quod ut confirmetur, observandum est, hīc agi de propositione cuius falsitas demonstrari potest per Sacram Scripturam & per Traditionem. Per Scripturam, quia nullus reperitur locus, qui Matrimonia Filiorum absque consensu parentum facta, irrita declaret, vel parentibus tribuat jus illa irritandi.

Per Traditionem, quia Canones, qui tales nuptias irritas declaraverunt, fundantur in legibus civilibus seu patria potestate, quæ Civibus Romanis propria erat *Instit. Lib. 1. Tit. 9.* aliundè verò, ut supra notavimus historia Ecclesiastica ex pluribus monumentis ad Traditionem pertinentibus excerpta docet, à Sæculo XII. plures Ecclesias Occidentales, non rescidiisse ejusmodi nuptias. Porrò, ut doctrina aliqua ad Dogma pertineat sufficit, ut, per Scripturam vel Traditionem probari queat; tunc enim constat, eam revelatam fuisse, cum in Verbo Divino continetur, scripto aut non scripto, per quod revelatione ad nos usque pervenit.

Idem Decretum pertinet quoque ad Disciplinam ex pluribus causis. 1. Partem constituit Decreti circa Disciplinam; nam capite eodem Concilium rescindit Matrimonia Clandestina in futurum, postquam declaraverit, quod, licet Ecclesia ea semper detestata sit, ea tamen rata & valida haec fuisse. Circumstantia hæc ostendit, rem tempori esse obnoxiam, atque ita pertinere ad Disciplinam. Ceterum, quidquid Concilium adjicit de necessitate denuntiationum, sive *Bannorum*, de modo eas faciendi, de numero restium, qui sponsalibus interesset debent, de verbis, quæ Parochus adhibere debet, pro regionis consuetudine, ad Disciplinam meram pertinet, cum pendeat à circumstantiis Temporum, locorum & personarum.

2. Hoc Decretum significat, Matrimonia à Filii familiās absque consensu parentum contracta rescindi posse à Principibus atque ab Ecclesiâ; nam restringit anathema ad eos, qui affirmant, eorum rescissionem à parentum arbitrio pendere; atque ita permittit excludere, quod ejusmodi jus ad alios pertineat, scilicet Principem & Ecclesiam. Porrò, usus hujus juris meram Disciplinam respicit, quæ juxta tempora loca & personas temperanda esse dignoscitur.

### SECTIO XIV.

*De Concilio Tridentino comprehendens ceteras Quæstiones.*

#### QUESTIO I.

*An Concilium Tridentinum faverit sententia tue-enti, Papam esse Superiorē Concilio Generali.*

UT resolvatur hæc Quæstio, colligendum est quod Concilium Tridentinum dicit aptum & contrarium huic sententia, & unum cum altero conferendum, ut possit intelligi, an magis pro causa Papæ quam in favorem Concilii Generalis locutum fuerit.

1. Quod statim offertur in gratiam Papæ est clausula (*salsa in omnibus Sedis Apostolicae autoritate*) quæ legitur in Capite Decreti de Reform. Sess. VII. videtur eadem clausula, in Cap. 2. Sess. XXV. de Ref. sicut & in Cap. 6. Sess. VII. jam citata. Nam, ut Papa dici possit non contineri in Decretis Concilii ad Disciplinam pertinentibus, necesse est Concilium in hoc agnoscere, Papam Concilio Generali non esse submissum.

2. Alterum, quod potest excipi è Concilio Tri-dentino in favorem Superioritatis Papæ in Concilium Generale, est, quod in Bullâ, quæ PAULUS III. suis Legatis facultatem dedit transferendi Concilium, non

fit